

巫山奇遇

廣野居士述
北郭雙校

國初，濮陽里有高氏兩生，長名義，字仲容，文名
選，字叔達，俱美丰姿，解琴理，讀書好恢諧，而賦性溫
茂，文學簇簇，無能不新。居恆按籍而求，慕古宋玉，相
如，及韓翹之徒，以爲千古之大快，而風流之絕邁，第
恨世無尤物，使巫山雲雨，漫漫長夜耳！兩生故雄于
翰藻，非獨其向往深也，蓋所由臭味同哉！庚寅，兩生

發憤下帷，結椽於里中；委巷春深，園卉四植，翳然有成林之趣。牆東有富家秦氏，其夫物故，僅攜一弱子，喚春郎，年可十餘，眉宇韶秀，故足勝人。二女大曰瓊英，小曰謙謙，俱負絕色，綽約有姿態，而更諳於音律；女紅詩畫，靡不精妍。瓊許聘西京慕生，未笄而寡。謙謙年雖及瓜，尙未有適。其子母間，多戲狎，以謔淚爲高；樓頭相望，去兩生讀書處，一衣帶而近。兩生伊吾其中，篝燈發發，歷涼燠靡間也。居無何，兩生殊苦岑

圓，各撥琴一奏；綴團露，相與長嘯於牆畔。忽啞啞聞
有女郎笑曰：「美哉兩少年也！」輒遁去。兩生驚顧，
庭中虛無人；但覩紅樓上珠簾半捲，繡幙低垂，雙雙
燕子，往來其間而已！兩生不知其爲秦氏樓也，徘徊
者久之。薄暮，新月滿庭，碧堦如洗，而花陰籠霧，春色
暗藏。兩生心醉不自持，復散步向所爲東牆之下；秦
氏已先率女郎，淡容雅服，登樓待月矣。其母曰：「今
夕月色明媚，風景清絕，可無佳句，紀茲勝事？」瓊曰：

巫山奇遇

四

「正須挈瓶磨韻，品題風月耳！」謙斂容謝曰：「請給楮筆。爲伯姊先驅。」其詩云：

花籠薄霧竹籠烟，景物依依似可憐；最恨深閨入靜後，月沉帳底未成眠！

瓊笑謂妹：「憮然有停雲之思乎？」卽口占曰：

微茫月色起高牆，影入羅幃白似霜；不信

丹青能畫得，花陰寂寂暗聞香。

其母沉思良久，顏色凄慘，若有所慨于衷者。曰：